



Adresa: Ul. Hamdije Čemerlića 39a
71000 Sarajevo
<http://www.voda.ba>

tel. +387 33 726 422
fax. +387 33 726 423
e-mail: info@voda.ba

Broj: UP-1/21-1-431-9/24

Datum: 29.11.2024. godine

„Agencija za vodno područje rijeke Save“ Sarajevo rješavajući po zahtjevu Rudnici uglja „Kreka“ d.o.o. Tuzla za izdavanje prethodne vodne saglasnosti u svrhu izrade projektne dokumentacije za vršenje tehničke rekultivacije devastiranih površina na PK „Šikulje“ sa jalovinskim masama iz procesa eksploatacije uglja PK „Šikulje“ i produkata procesa iz TE „Tuzla“, na osnovu člana 109. stav (1) tačka 11. i stav (2) tačka 1. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98, 48/99 i 61/22), donosi:

RJEŠENJE

o prethodnoj vodnoj saglasnosti

1. Podnosiocu zahtjeva Rudnici uglja „Kreka“ d.o.o. Tuzla daje se prethodna vodna saglasnost u svrhu izrade dijela projektne dokumentacije za vršenje tehničke rekultivacije devastiranih površina na PK „Šikulje“ sa jalovinskim masama iz procesa eksploatacije uglja PK „Šikulje“ i produkata procesa iz TE „Tuzla“, a u postupku pribavljanja urbanističke saglasnosti i okolinske dozvole.
2. Prethodna vodna saglasnost može se koristiti isključivo u postupku ishodovanja okolinske dozvole i urbanističke saglasnosti.
3. Prethodna vodna saglasnost izdaje se na određeno vrijeme, sa rokom važenja od 3 (tri) godine od dana pravosnažnosti rješenja.
4. Prethodnom vodnom saglasnošću se utvrđuju uslovi za izradu projektne dokumentacije za aktivnosti iz tačke 1. dispozitiva, kako slijedi:
 - 4.1. Od strane pravne osobe ovlaštene od strane Federalnog ministarstva poljoprivrede, vodoprivrede i šumarstva FBiH, za dio snabdijevanja sanitarnom vodom, te odvodnje i tretmana svih otpadnih voda, izraditi projektnu dokumentaciju na nivou glavnog projekta u skladu sa posebnim propisima koji između ostalog treba sadržavati:
 - Pored geološkog, geomehaničkog, građevinskog, tehnološkog, mašinskog, elektro i ostalih dijelova koji glavni projekat treba sadržavati u skladu sa posebnim propisima, glavnim projektom treba obraditi i kompletan proračun bilansa voda (uključujući sve oborinske vode, procjedne vode, evaporaciju i dr.), količinu i sastav očekivanih procjednih voda, tehnologiju obrade voda, te količinu, sastav i način zbrinjavanja mulja i sl. komponenti zaostalih nakon obrade.
 - Projektom dokumentacijom posebno obraditi mjesto izgradnje bunkera, taložnika uključujući i izgradnju pratećih objekata, postrojenja za tretman otpadnih voda, mjesto miješanja voda, rješenje recirkulacije vode, mjesto i način zahvatanja masa iz bunkera i jalovine sa površinskog kopa, mjesto i način miješanja masa, način transporta masa, mjesta deponovanja masa za rekultivaciju, moduli koje treba postići prilikom zbijanja masa, obrada završnog rekultivirajućeg sloja, mjesta za vršenje monitoringa prije ispuštanja u recipijent, te detalji ispusta voda u recipijent Šikuljačku rijeku i/ili rijeku Spreču.
 - Projektom dokumentacijom predvidjeti da tijelo rekultivirajućeg sloja (podloga i bočne strane) mora biti potpuno vodonepropusno.
 - Rekultivirajući prostor bi trebao imati sistem drenaže i sakupljanja procjednih vode s njenim tretmanom na uređaju za prečišćavanje procjednih voda te ispuštanjem prečišćenih voda u definisani recipijent ili povrat efluenta na rekultivirajući sloj.
 - Ovisno o konfiguraciji terena i konačnog projektnog rješenja rekultivirajućeg prostora, potrebno je predvidjeti izgradnju drenažnog sistema za prikupljanje oborinskih voda oko rekultivirajućeg

prostora, sa taložnikom za krute tvari i oknom za uzimanje uzoraka, a sve sa ciljem sprječavanja doticanja vanjskih voda.

- Analizu uticaja velikih voda Šikuljačke rijeke i rijeke Spreče na prostor na kome će se vršiti odlaganje i objekata koji će biti u sklopu te aktivnosti izgrađeni, a u funkciji su eliminiranja negativnih uticaja na površinske i podzemne vode.

- Izrada predmetne projektne dokumentacije mora biti kompatibilna sa projektnom dokumentacijom: Glavni projekat sakupljanja, odvođenja i prečišćavanja otpadnih voda Rudnika „Šikulje“ u Lukavcu-Izmjena, urađen od strane JPVD Spreča d.d. Tuzla, oktobar 2022. godine, broj: 051-01-1-1521/22 na koju je izdato rješenje o vodnoj dozvoli broj: UP-1/21-3-40-587-8/23 od 20.03.2024. godine. Tačnije, neophodno je sagledati mogućnost korištenja projektovanih sadržaja i objekata i za ovu novu aktivnost.

4.2. Nakon izrade projektne dokumentacije potrebno je izvršiti njenu reviziju u skladu sa posebnim propisima.

4.3. Zabranjeno je ispuštanje neprečišćenih otpadnih voda i procjednih voda iz rekultivirajućeg sloja u okoliš bez prethodnog prečišćavanja.

4.4. Usvojenim sistemom prečišćavanja otpadnih voda mora se obezbijediti da kvalitet istih, a prije ispuštanja u recipijent, moraju biti u skladu sa propisanim dozvoljenim graničnim vrijednostima koncentracije opasnih i štetnih materija za otpadne vode, a koje su utvrđene Uredbom o uslovima ispuštanja otpadnih voda u okoliš i sisteme javne kanalizacije („Službene novine FBiH“ broj 26/20, 96/20 i 1/24).

4.5. Glavni projekat treba sadržavati prijedlog programa monitoringa procjednih voda, površinskih i podzemnih voda na predmetnom lokalitetu.

4.6. Prije ispuštanja prečišćenih voda u recipijent potrebno je izgraditi okna za monitoring - revizionna okna.

4.7. Izrada projektne dokumentacije treba biti usklađena sa važećom prostorno - planskom dokumentacijom i razvojnim planovima Grada Lukavac i Tuzlanskog kantona.

4.8. Da se u okviru projektnog rješenja primjene tehničko-tehnološke mjere koje će spriječiti kontaminaciju voda, tla i zraka. Radove na izgradnji rekultivirajućeg sloja (prostora) uskladiti sa principima, propisima i standardima EU, te sa propisima i zakonima BiH tj. Federacije BiH prema principima savremene multibarijerske zaštite.

4.9. Projektnom dokumentacijom jasno definisati položaj objekta u odnosu na obližnje vodotoke, te sagledati sve moguće neželjene uticaje, kako na planirani objekat tako i planiranog objekta na druge objekte i postrojenja, stečena prava korisnika, postojeću infrastrukturu, naselja i sl. i dati prijedlog mjera za otklanjanje odnosno sprječavanje tih uticaja.

4.10. U Investiciono tehničkoj dokumentaciji, treba biti priložena pregledna situacija šireg područja, sa ucrtanom mrežom monitoring mjesta i prikazom rezultata do sada obavljenih ispitivanja kvalitativnih i kvantitativnih karakteristika voda (površinskih voda i podzemnih voda).

4.11. Projektnom dokumentacijom definisati da se opasni materijal i otpad ne smiju ni privremeno odlagati na česticu „vodno dobro“, odnosno u vodotoke i na njegove obale.

4.12. Pri izradi tehničke dokumentacije pridržavati se pravila struke i nauke te zakonske regulative vezane za ovakvu vrstu radova te ekološko - ekonomskih zahtjeva.

4.13. Investiciono-tehnička dokumentacija za pribavljanje vodne saglasnosti mora biti urađena na nivou projekta za pribavljanje odobrenja za građenje i u skladu sa uslovima iz ove prethodne vodne saglasnosti, te uslovima iz okolinske dozvole.

4.14. Investitor je dužan kod izrade tehničke dokumentacije predvidjeti odgovarajuće mjere da predmetnom aktivnošću, za koje se utvrđuju uvjeti, ne bi došlo do šteta za okoliš ili nepovoljnih posljedica za vodoprivredne interese, a u protivnom je dužan iste nadoknaditi.

5. Ova prethodna vodna saglasnost ne oslobađa podnosioca zahtjeva obaveze pribavljanja prethodne vodne saglasnosti za izgradnju lokalne/pristupne saobraćajnice i eventualno drugih aktivnosti koje se planiraju izvoditi na predmetnom lokalitetu, a koje su navedene u članu 17. stav (2) Pravilnika o sadržaju, obliku, uvjetima načinu izdavanja i čuvanja vodnih akata („Sl. novine Federacije BiH“ broj: 31/15, 55/19, 41/20, 63/22), a za čije izdavanje je nadležno Ministarstvo poljoprivrede, šumarstva i vodoprivrede Tuzlanskog kantona.

6. Po izradi investiciono tehničke dokumentacije, u skladu sa uslovima iz dispozitiva ovog rješenja, i stručnoj reviziji iste, korisnik prethodne vodne saglasnosti dužan je, da ovoj Agenciji podnese zahtjev za izdavanje Rješenje o vodnoj saglasnosti na projektnu dokumentaciju za vršenje tehničke rekultivacije devastiranih površina na PK „Šikulje“ sa jalovinskim masama iz procesa eksploatacije uglja PK „Šikulje“ i produkata procesa iz TE „Tuzla“ (šljaka, pepeo, gips), a u skladu sa važećom regulativom FBiH.
7. Zahtjev za izdavanje vodne saglasnosti dostavlja se u skladu sa članom 8. i 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata. Uz zahtjev se prilaže:
- Revidovana Investiciono tehnička dokumentacija za vršenje tehničke rekultivacije devastiranih površina na PK „Šikulje“ sa jalovinskim masama iz procesa eksploatacije uglja PK „Šikulje“ i produkata procesa iz TE „Tuzla“ (šljaka, pepeo, gips), urađena u skladu sa uslovima iz ovog Rješenja.
 - Rješenje o urbanističkoj saglasnosti za vršenje tehničke rekultivacije devastiranih površina na PK „Šikulje“ sa jalovinskim masama iz procesa eksploatacije uglja PK „Šikulje“ i produkata procesa iz TE „Tuzla“.
 - Okolinsku dozvolu izdatu od strane nadležnog organa,
 - Dokaz o uplati administrativne takse u iznosu od 60,00 KM, a prije izdavanja odobrenja za građenje.
8. Ova prethodna vodna saglasnost prestaje važiti nakon isteka roka od tri godine ukoliko u tom roku ne bude podnesen zahtjev za izdavanje vodne saglasnosti, a ista se može izmijeniti u zakonom propisanim slučajevima.
9. Ukoliko nakon izdavanja ove prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavijestiti ovu Agenciju, odnosno kantonalno ministarstvo, prije podnošenja zahtjeva, odnosno obavezno navesti okolnosti u zahtjevu za izdavanje vodne saglasnosti.
10. Ovo rješenje o prethodnoj vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Rudnik uglja „Kreka“ d.o.o. Tuzla dana 21.08.2024. godine podnio je ovoj Agenciji zahtjev za izdavanje prethodne vodne saglasnosti u svrhu izrade dijela projektne dokumentacije za vršenje tehničke rekultivacije devastiranih površina na PK „Šikulje“ sa jalovinskim masama iz procesa eksploatacije uglja PK „Šikulje“ i produkata procesa iz TE „Tuzla“ (šljaka, pepeo, gips), u postupku pribavljanja urbanističke saglasnosti i okolinske dozvole.

U provedenom postupku dostavljena je i pregledana sljedeća dokumentacija:

A. Opšta dokumentacija:

- Rješenje o izmjenama podataka, broj:032-0-Reg-24-000790 od 27.05.2024. godine izdato od strane Općinskog suda u Tuzli – ovjerena kopija,
- Uvjerjenje o registraciji poreznog obveznika od 13.01.2021. godine izdato od strane Porezne uprave Federacije BiH - ovjerena kopija,
- Mišljenje, broj:05-19-2345/24 od 12.08.2024. godine izdato od strane Službe za urbanizaciju, imovinske i geodetske poslove Grada Lukavac – ovjerena kopija,
- Punomoć podnosioca zahtjeva, broj:01-6404/24 od 02.08.2024. godine izdata od strane Rudnik uglja „Kreka“ d.o.o. Tuzla,
- Izvod iz prostornog plana Općine Lukavac, broj:05-19-2345/24 od 18.07.2024. godine izdat od strane Službe za urbanizaciju, imovinske i geodetske poslove Grada Lukavac – ovjerena kopija,
- Izvod iz prostornog plana Tuzlanskog kantona, broj:05-19-2345/24 od 18.07.2024. godine izdat od strane Službe za urbanizaciju, imovinske i geodetske poslove Grada Lukavac – ovjerena kopija,

- Kopija katastarskog plana, Ur. broj:05-26-3-2254/2024-16 od 17.07.2024. godine izdata od strane Službe za urbanizaciju, imovinske i geodetske poslove Grada Lukavac – ovjerena kopija,
- Kopija katastarskog plana, Ur. broj:05-26-3-2255/2024-6 od 18.07.2024. godine izdata od strane Službe za urbanizaciju, imovinske i geodetske poslove Grada Lukavac – ovjerena kopija,
- Kopija katastarskog plana, Ur. broj:05-26-3-2254/2024-9 od 18.07.2024. godine izdata od strane Službe za urbanizaciju, imovinske i geodetske poslove Grada Lukavac – ovjerena kopija,
- Kopija katastarskog plana, Ur. broj:05-26-3-2254/2024-20 od 17.07.2024. godine izdata od strane Službe za urbanizaciju, imovinske i geodetske poslove Grada Lukavac – ovjerena kopija,
- Kopija katastarskog plana, Ur. broj:05-26-3-2254/2024-14 od 17.07.2024. godine izdata od strane Službe za urbanizaciju, imovinske i geodetske poslove Grada Lukavac – ovjerena kopija,
- Kopija katastarskog plana, Ur. broj:05-26-3-2255/2024-4 od 17.07.2024. godine izdata od strane Službe za urbanizaciju, imovinske i geodetske poslove Grada Lukavac – ovjerena kopija,
- Kopija katastarskog plana, Ur. broj:05-26-3-2254/2024-9 od 17.07.2024. godine izdata od strane Službe za urbanizaciju, imovinske i geodetske poslove Grada Lukavac – ovjerena kopija,
- Uvjerjenje, broj:05-19-3326/24 od 07.11.2024. godine izdato od strane Službe za urbanizaciju, imovinske i geodetske poslove Grada Lukavac – kopija,
- Izvod iz prostornog plana Općine Lukavac, broj:05-19-3326/24 od 05.11.2024. godine izdat od strane Službe za urbanizaciju, imovinske i geodetske poslove Grada Lukavac – ovjerena kopija,
- Izvod iz prostornog plana Tuzlanskog kantona, broj:05-19-3326/24 od 05.11.2024. godine izdat od strane Službe za urbanizaciju, imovinske i geodetske poslove Grada Lukavac – ovjerena kopija,
- Posjedovni list broj 1648, broj:06-30-2-328/19-3 od 04.02.2019. godine izdat od strane Službe za geodetske i imovinsko-pravne poslove općine Lukavac – kopija,
- Posjedovni list broj 1774, broj:06-30-2-328/19-2 od 04.02.2019. godine izdat od strane Službe za geodetske i imovinsko-pravne poslove općine Lukavac – kopija,
- Posjedovni list broj 902, broj:06-30-2-328/19-4 od 04.02.2019. godine izdat od strane Službe za geodetske i imovinsko-pravne poslove općine Lukavac – kopija,
- Posjedovni list broj 11039, broj:06-30-2-424/19-3 od 12.02.2019. godine izdat od strane Službe za geodetske i imovinsko-pravne poslove općine Lukavac – kopija,
- Mišljenje, broj:12/05-19-030158/24 od 30.10.2024. godine izdato od strane Ministarstva prostornog uređenja i zaštite okolice Tuzlanskog kantona – kopija,
- Dokaz o uplaćenju federalnoj upravnoj pristojbi na zahtjev

B. Tehnička dokumentacija:

- Studija za izdavanje prethodne vodne saglasnosti za planirane aktivnosti tehničke rekultivacije devastiranih površina na PK Šikulje sa jalovinskim masama iz procesa eksploatacije uglja PK Šikulje i produkata procesa iz TE Tuzla, broj:10-148-6950/24 urađena od strane TQM d.o.o. Lukavac, novembar 2024. godine,
 - Idejno rješenje eksploatacije uglja I otkrivke na PK "Šikulje" za period od 30 godine, broj:276-1-V/24 urađeno od strane Rudarsko projektovanje d.d. Sarajevo, maj 2024. godine
- Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari. Zahtjev je u skladu sa odredbama člana 21. Pravilnika o sadržaju, obliku, uslovima i načinu izdavanja i čuvanja vodnih akata („Sl. novine Federacija BiH“ broj:31/15, 55/19, 41/20, 63/22), bio oglašen dana 19.11.2024. godine, na oglasnoj ploči Agencije i u dnevnom listu „Oslobodjenje“. U postupku oglašavanja nije bilo pisanih izjašnjenja, niti izjašnjenja datih usmeno na zapisnik kod nadležnog organa.

Na osnovu uvida u dostavljenu dokumentaciju utvrđeno je slijedeće:

- Lokacija planirane tehničke rekultivacije se nalazi unutar eksploatacionog polja Rudnika lignita „Šikulje“, koji je lociran u Gradu Lukavac u zapadnom dijelu sjevernog krečanskog lignitskog sinklinorijuma.

- Jalovinske mase iz procesa eksploatacije uglja PK "Šikulje" i produkti procesa iz TE "Tuzla" (šljaka, pepeo i dr.) nakon mješanja predviđene su da se odlažu na gornji dio postojećeg vanjskog odlagališta i budućeg unutrašnjeg odlagališta PK „Šikulje“.
 - Površina planiranog područja rekultivacije (prema stacionažama prelomnih tačaka iz grafičkog priloga) iznosi cca 2.186.674,29 m².
 - U sklopu izrade naredne faze investiciono tehničke dokumentacije, potrebno je izvršiti geotehnička ispitivanja po čitavoj efektivnoj prihvatnoj plohi, čije bi podloge i dobiveni uslovi bili iskorišteni u tehnička rješenja naredne faze investiciono-tehničke dokumentacije.
 - U sklopu planiranog odlaganja jalovinskih masa iz procesa eksploatacije uglja PK "Šikulje" u kombinaciji sa produktima procesa iz TE "Tuzla" u svrhu tehničke rekultivacije PK "Šikulje" nastajati će tehnološke otpadne vode i to od procesa upotrebe vode za obaranja prašine na presipnim mjestima, tj. obrtaču vagona, prihvatnom bunkeru i presipnoj stanici PS2 i iste će se prije ispuštanja tretirati, a što će u narednoj fazi izrade investiciono tehničke dokumentacije biti detaljno razrađeno.
 - U sklopu planiranog odlaganja jalovinskih masa nastajati će tehnološke otpadne vode koje će nastati u vremenu trajanja oborina sa tijela odlaganja jalovinskih masa i iste će se prije ispuštanja tretirati, a što će u narednoj fazi izrade investiciono tehničke dokumentacije biti detaljno razrađeno.
 - Na predmetnom lokalitetu nastajati će oborinske otpadne vode sa krovnih površina objekta obrtača vagona nad prihvatnim bunkerom i iste će se prije ispuštanja tretirati, a što će u narednoj fazi izrade investiciono tehničke dokumentacije biti detaljno razrađeno.
 - Moguće je da će nastajati i drenažne otpadne vode (sakupljene otpadne vode sa dna bunkera) i iste će se prije ispuštanja tretirati, a što će u narednoj fazi izrade investiciono tehničke dokumentacije biti detaljno razrađeno.
 - Prilikom izrade naredne faze investicio tehničke dokumentacije investitor se obavezuje da u cjelosti uskladi nove planirane aktivnosti sa aktivnostima definisanim u rješenju o vodnoj dozvoli, broj: UP-1/21-3-40-587-8/23 od 20.03.2024. godine koje je izdato Rudniku uglja „Kreka“ d.o.o. Tuzla za ispuštanje tehnoloških otpadnih voda i aktivnosti koje mogu imati specifične uticaje na vode sa lokacije Pogona „Šikulje“, Lukavac.
 - Planirane granice odlagališta jalovinskih masa u svrhu tehničke rekultivacije PK "Šikulje" se ne nalazi unutar područja vodnog dobra niti pod uticajem velikih voda 1/100 rijeke Spreče i Šikuljačke rijeke.
 - Prostorni obuhvat planiranih aktivnosti rekultivacije devastiranih područja unutar definisanog obuhvata sa jalovinskim masama iz procesa eksploatacije uglja PK "Šikulje" u kombinaciji sa produktima procesa iz TE "Tuzla" u svrhu tehničke rekultivacije PK Šikulje, sukladno Uvjeranju pribavljenom od Službe za urbanizaciju, imovinske i geodetske poslove grada Lukavac, broj:05-19-3326/24 od 07.11.2024. godine se ne nalazi u području sanitarne zaštite izvorišta vodosnabdijevanja.
 - Predmetni obuhvat planiranih aktivnosti odlaganja jalovinskih masa usuglašen je sa namjenama površina utvrđenim Prostrono planskom dokumentacijom Grada Lukavac i Tuzlanskog kantona.
- Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, kao i onemogućavanja degradacije kvaliteta voda, podnosiocu zahtjeva su ovim vodnim aktom, u tački 4. dispozitiva rješenja, shodno odredbama člana 111. Zakona o vodama i člana 5. Pravilnika o sadržaju, obliku, uslovima, načinu izdavanja i čuvanja vodnih akata i odredbama Uredbe o uslovima ispuštanja otpadnih voda u okoliš i sisteme javne kanalizacije propisani uslovi koje je Investitor dužan ispuniti prilikom izrade projektne dokumentacije a koja će Investitoru biti potrebna u postupku pribavljanja vodne saglasnosti i odobrenja za građenje. Uslovi za izdavanje vodne saglasnosti definisani su u tački 4. dispozitiva rješenja i isti trebaju biti obrađeni u investiciono-tehničkoj dokumentaciji, koju će Investitor dostaviti uz zahtjev i drugu potrebnu dokumentaciju za donošenje rješenja o vodnoj saglasnosti, shodno članu 114. Zakona o vodama.

Na osnovu utvrđenog činjeničnog stanja konstatovano je da sa aspekta sektora voda i priložene dokumentacije ne postoje zapreke da se podnosiocu zahtjeva, kao Investitoru, ne izda tražena prethodna vodna saglasnost, pa je shodno odredbama Zakona o vodama i provedbenim propisima donešeno rješenje kao u dispozitivu ovog Rješenja.

Podnosilac zahtjeva je uplatio upravnu taksu od 80,0 KM u skladu sa članom 7. stav 1. tarifni broj 43. Zakona o federalnim upravnim taksama („Službene novine Federacije BiH”, broj 6/98, 8/00, 45/10 i 45/13). Podnosilac zahtjeva je izvršio uplatu po Zaključku broj: UP-1/21-1-40-027-4/24 od 19.02.2024. godine.

Pouka o pravnom lijeku

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.

Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Voditelj postupka:

mr sci. Selma Merdan, dipl.inž.geol.

Prilog: Tehnička dokumentacija pod B tačka 2

Po ovlaštenju
Rukovodilac sektora za izdavanje vodnih akata



Dostaviti:

- Rudnik uglja „Kreka“ d.o.o. Tuzla
Ul. Mije Keroševića Guje 1.
75000 Tuzla, (sa prilogom),
- ⊙ AVP-ISV -Vodna knjiga,
- Sektor 40, arhiva,
- Oglasna ploča-AVP Sava